

徐批
葉天士晚年方案真本

下

中國醫學大成第十二集

醫案類

葉天士晚年方案真本 下

上海大東書局印行

批錄 葉天士晚年方案真本

清 古吳 葉 桂天士原著

清 吳江 徐大椿靈胎評批

清 古吳 張振家筱林參校

鄞縣 曹赤電炳章圈校

卷下

羅六三十歲情懷內起之熱。燔燎身中脂液。嘈雜如飢。厭惡食物無味。胃是陽土。以陰
爲用。津液既窮。五火皆燃。非六氣外客之邪。膏連苦辛寒不可用。必神靜安坐。
五志自寧。日餌湯藥無用。五志無形之火皆本於先天元陽靜則溫養臟
真爲生生之氣燔灼則逼燥津液肌肉日削

人參

知母

茯苓

甘草

生地

天冬

鮮蓮子

胃是陽土。以陰爲用。故胃陰須養真名語也。

性情隨氣血改移。肌皮寬厚者。往往弛緩。每見燥急人瘦如骨立。津液不充。火氣飛揚耳。

潘巖

廿六

少年失血遺精。陰虛爲多。夫精血有形。既去難復。卽是內損陰虛。日久漸

干陽位。肝腎病必延胃府。所列病原。大暑令節。乃天運地氣之交替。人身氣餒

失司維續。必有不適之狀。

精深

論褚澄云。難狀之疾。謂難以鳴訴病之苦况也。至

明確惟其病延胃府所以
人身氣餒失司維續也

妙香散

節令交替。氣旺者潛移不覺。中氣虛衰少力。旋轉樞紐。幾於或息。故維續爲難

耳。

顧暑濕必傷脾胃。二邪皆陰。不必苦寒清熱。調氣分利水。此邪可去。中年病傷氣弱。以強中醒後天。中年人氣分已不旺。再因病傷氣更弱矣。強中壯氣。卽是驅邪。

人參

炒扁豆

木瓜

茯苓

炙草

廣皮

暑因乎濕。挾濕已蒸化爲熱。必須甘涼淡滲。亦不必用苦寒。若未經化熱。不致傷津劫液。但調氣分利水足矣。暑溼一門。變症最多。不可不辨。此必是未經化熱者。

胡三四十歲不量自己。每事爭先。此人素稟必是偏于火重。此非傷於一時。春夏天暖。地中陽升。失血咳嗽。聲音漸啞。填實真陰以和陽。人身隨天地氣機升降。元氣旺時不覺氣血衰。而有病便六氣爲主。而此身無權矣。

熟地

黃肉

淮山藥

茯苓

天冬

麥冬

龜甲心

女貞

芡實

建蓮肉

錢四十歲瘦人暑熱入營。瘧來咳痰盈碗。平日飲酒之熱。蓄於肝胃。舌黃渴飲。議用

玉女煎。

玉女煎的係肝胃之藥。暑熱外侵。酒熱內應。內外合邪。專在營分。非石膏、生地等屬。難以清營中之熱。

楊三十歲胃傷食減。形倦舌赤。此係脾病。形倦舌赤必是脾氣傷而脾營耗者

四獸飲

六君子加烏梅、草果等分。薑棗煎三因和四藏以輔脾。故名四獸飲。

王三十歲前十液被瀉損。口渴舌白面黃。不是實熱。血由絡下。糞從腸出。乃異歧也。指

然豁

炒歸身

炒白芍

煨葛根

炒南查

炒焦麥芽

炒荷葉

錢七暑風上入氣分。先受非風寒停滯。用發散消導者。氣分窒痺。氣分何以窒痺。總為燥劫津液。

耳頭岑腹痛。治之非法。邪熱入血分矣。編閱全部傷寒論止是存津液為主。自西昌喻氏法律一書通首發明此旨故。

先生得力處全在於此。○六氣病邪原先傷氣分。治之非法。燥液劫津。即延入血分矣。

連翹心

竹葉心

犀角尖

益元散

綠豆殼

南花粉

從來治病要訣。皮毛之邪。輕劑發散。疎之泄之。微汗即已。若熱入肌肉。漸留經絡臟腑。此時鬱熱在裏。汗出津津。燥爍津液。即應存養津液以達邪。若夫臟腑真陽發露。亟予滋補。惟恐不及矣。敢燥爍乎。

徐^{廿四}歲。據述暴驚動怒。內傷由肝及胃。胃脈衰。肝風動。浮腫下起。若漫延中宮。漸

次凶矣。兩年餘久恙。先議薛新甫法。

八味丸二兩五錢十服

謝葑門三十四歲。上下失血。頭脹口渴。溏瀉。若是陰虛火升。不應舌白色黃。飢不納食。忽

又心嘈。五十日病中。吸受暑氣熱氣。察色脈。須清心養胃。辨症細切。用藥清靈。工夫到此。躊躇滿志矣。

人參

竹葉心

麥冬

木瓜

生扁豆

川石斛

張九齡。計中年色萎黃。脈弦空。知飢不欲食。不知味。胃陰枯矣。據說春季外感咳嗽。延秋

氣怯神弱。乃病傷成勞。大忌消痰理嗽。此一句保全無數生靈。人知消痰理嗽。為要務。此以消痰理嗽為大忌。醫理精

超極矣

麥門冬湯

楊十五歲瘧痢乃長夏溼熱二炁之邪。醫不分氣血。反傷胃中之陽。呃逆六七晝

夜不已。味變焦苦。議和肝胃。

大凡瘧痢並作。只要宣發。瘧邪鬆透肌表。俾得津津汗泄。則濕熱外出。而痢自止。

人參

炒黑川椒

茯苓

烏梅肉

生淡乾薑

生白芍

顧六歲。據云負重閃氣。繼而與人爭哄。勞力氣洩為虛。嘔氣拂意為實。聲出於上。

金空乃鳴。凡房勞動精。亦令陰火上灼。議左歸法。熟虛熟實。了了分明。

周歲十三。凡交夏肉瘦形倦。氣短欲寐。俗謂注夏病。是後天脾胃不旺。時令熱則氣

洩也。以資生丸為藍本。是謂平調和暢。

人參

茯苓

藿香

南查

白朮

神麩

川連

麥冬

砂仁

廣皮

桔梗

米仁是丸

高一五十歲。足心湧泉穴內。合少陰腎臟。中年已後。下元精血先虛。虛風內起。先麻木

而骨稟筋縱。乃痿之象。必以血肉溫養。內景如獨照虛風內起。不遺一隅。精細絕倫。

生精羊肉

肉蓯蓉

青鹽

牛膝

歸身

大茴

製首烏

茯苓

盛木瀆五十四歲。暑必兼濕。濕鬱生熱。頭脹目黃。舌腐不飢。能食。暑濕熱皆是一股邪氣。

迷漫充塞三焦。狀如雲霧。當以芳香逐穢。其次莫如利小便。聖于此矣

杏仁

厚朴

薤仁

滑石

苓皮

橘白

綿茵陳

寒水石

佩蘭葉

張四一歲。此膏淋也。是精腐離位壅隧。精溺異路。出於同門。日久精血化瘵。新者亦

留腐敗。考古法用虎杖散。虎杖草名。生田野中。即土牛膝也。俗名臭花娘。

尹六歲此痿症也。診脈小濡無力。屬陽氣不足。濕着筋骨。凡筋弛爲熱。筋縱爲寒。大便久澹。爲濕生五泄之徵。汗易出是衛外之陽不固。久恙不可峻攻。倣東垣肥人之病。慮虛其陽。固護衛陽。仍有攻邪。仍有宣通之用。世俗每指左癱右瘓。謂男子左屬血。右屬氣者。非此。固其陽以宣通攻邪。而宣通攻邪。即在固陽藥中。是爲並行一貫。非兩事也。

生於朮

川烏頭

蜜炙黃耆

防風

生桂枝

熟附子

李歲廿八暑溼氣痺。欬逆微嘔。有發瘧之象。

杏仁

白蔻仁

厚朴

絲瓜葉

連翹

象貝

射干

鄧詩門橫街易飢能食。陽亢爲消。此溲溺忽然如淋。乃陰不足也。溲道有病卽用溲

天冬

麥冬

生地

熟地

知母

黃柏

人中白

阿膠爲丸。

金鱗卷五

平日操持。或情懷佛鬱內傷。病皆臟真偏以致病。庸醫但以熱攻邪。

苦辛雜沓。津枯胃憊。清氣不司轉旋。知饑不安穀。駁劣龐雜之藥不能去病反能造病以致津枯胃憊清氣

窒塞轉成痼疾矣

大半夏湯

常見有力之家。或父母年高。或己身微恙。往往十分珍重。藥餌不絕於口。始也以藥之偏氣。治身中氣血之偏。不知久服藥石。傷冲和清粹之氣。盡爲草木芳香移易。卽參苓日進。久之臟腑相安。倘遇緩急服之。亦呼應不靈。病氣深而同歸於無益。此惟閱歷深且久者。方知有此弊耳。

錢四十前方去犀角、連翹。加川貝、黑梔皮。

陳廿六歲此勞病自腎損延及胃府。脈垂色奪。肌消。日加枯槁。陰損及陽。草木不能生出精血。服之不效爲此。

一炁丹

偶關上五十九歲瘦人液枯。煩勞動陽。氣逆冲氣。漸如噎膈衰老之象。安閒可久。液枯之人即勞之

動傷陽亦須補養津液是蒸中添油法

枇杷葉

杜蘇子

柏子仁

火麻仁

炒桃仁

張五十歲窮乏之人。身心勞動。賴以養家。此久嗽失血聲嘶。是心營肺衛之損傷。不與富戶酒色精奪同推。

黃精

白芨

米仁

茯苓

戴十六 男子情竇動萌。龍雷內灼。陰不得充。遂有失血。效逆內熱。皆陰虛而來。自

能潛心篤志。養之可愈。數發必凶。龍雷之火內灼。勢必暗燦。精氣必思所以暢泄。安得不陰虛乎。

六味去丹皮。澤瀉。加龜版。蓮肉。芡實。人乳粉。金櫻膏。

王三十歲。勞力氣血逆亂。內聚瘀血。壅阻氣分。痛而嘔紫。滯形色。久病。只宜緩逐。不

可急攻。

桃仁

荒蔚子

延胡

歸尾

南查

漏蘆

青葱

楊花步 背寒屬衛陽。微汗泄熱緩。

人參建中湯去薑

嚴倉前三歲。長夏溼邪。治不按法。變瘧。不盡洩其邪。痛瀉不爽。不能受食。勉強與食

即嘔吐。種種病形中。有穢滯耳。是脾胃運行之陽。久為苦寒消尅所致。濕邪必帶穢濁。芳香逐穢。即是按法。

病治

蘇合丸

注 到吳諸恙向愈。僉從兩和脾胃。近日家中病人糾纏。以有拂鬱肝膽。木火因

之沸起。氣從左脇上撞。即丹溪上升之氣。自肝而出。木必犯土。胃氣為減。病愈雖

元氣未固肝膽木火最易沸起况氣從左升病機顯然

人參

茯苓

炙草

生穀芽

木瓜

川斛

席九歲東山廿問病已逾年。食飽腹膨。微痛便澹。久嗽痰多。凡越幾日。必熇熇身熱。此

勞傷由脾胃失運鬱而來。熱痰多食不相和。則非地黃滋滯者。脾胃失運鬱火

此必有積滯留中氣機不暢達者

米仁

南棗

生麥芽

桔梗

胡連

茯苓

白芍

廣皮

張^{三十} 此腎虛不納。冲氣上千。喘嗽失音。夜坐不臥。醫每治肺日疲致凶。早服薛

氏八味丸三錢。

兩腎中間一點。明是謂命門先天之精。元氣之始。人託之以生命者。凡人呼出之氣。肺主之。吸入之氣。直下達腎中。必腎氣足。而吸引之機權自旺。

楊^{廿二} 心事悶滯。胸膈痞痺。多噎吐涎。述臍左及小腹有形而堅。按之微痛。大便

亦不爽適。此屬小腸部位。腑病宜通。心與小腸為表裏。未有心事悶滯而不病。及臍陽者。輕則小便赤重則堅成。有形

眼人見透

枳實

桔梗

蓬朮

青皮

檳榔

蘆薈

蔥汁泛丸。

此等病。婦女更多。不得誤認爲瘕病也。蓋婦女最多心事悶縈耳。須留意也。

沈疔家巷六。痔血與腸風不同。心中嘈辣。營分有熱。非溫蒸補藥矣。閱此則凡心中

雖因木火上冲必是營分有熱也

生地

白芍

柿餅炭

槐花

銀花

地榆

的是營分有熱。方藥中下虛而下血。須用溫蒸補藥。

程四歲夏四月陽升病發。深秋暨冬自愈。夫厥陰肝爲陰之盡。陽之始。吐蛔而起。

必從肝入胃。仲景辛酸兩和。寒苦直降。辛熱宣通。所該甚廣。白朮甘草守中爲

忌。烏梅法何等深奧此則十二字廣深該博直截了當讀書另具慧眼

川椒

川連

桂枝

附子

烏梅

乾薑

白芍

細辛

人參

川棟子

黃柏

韓五十歲時令之濕外襲。水穀之濕內蘊。遊行軀殼。少陽陽明脈中久濕。濕中生熱。

內經淡滲佐苦。溫新受之。有分邪易驅。已經兩月餘。病成變熱矣。若非用桂枝

絡勢必涼藥具濕熱拒格而不相入矣。名手過人處在此。

南花粉

飛滑石

石膏

桂枝仙乎

薏苡仁

羚羊角

周鈕家巷六十七歲。老年精血內枯。開闔失司。癥閉分利。該括無仍是瀉法。成形者。散漫

之氣也。精深之論散漫之氣濁陰之氣也。

鹿茸二兩

麝香二錢

歸身一兩

用生薑一兩。羊肉四兩。煎湯泛丸。

汪五十七歲。胸痺是上焦清陽不為舒展。仲景以輕劑通陽。

桂枝瓜蒌薤白湯

王十續三九歲。瘀血壅滯。腹大蟲鼓。有形無形之分。溫通為正法。非腎炁湯丸治陰水

泛濫。腎氣湯丸治陰水。法非治陽水也。

桃仁

肉桂

製大黃

椒目

陳香櫟二兩

煎湯泛丸。

黃江三西六歲。病是勞倦內傷。客陽已是傷本質途舟中。往來復受時令暑濕。病已過月。不饑

不大便。脈微小屬陰。暑濕皆屬陰濁。氣分為濁陰蔽塞。仲景謂陰結濕結。腸胃

無陽氣運行。強通大便。濁反逆致。此入夜陰用事而痛甚矣。精理名言如印沙

脈法精深人皆忽略矣

淡乾薑

生炒黑附子

炙黑甘草

生大白芍

處方清切。通陽更以甲己法和陰止腹痛。

唐^{廿三}歲。脈動瀉後利純血。後重肛墜。乃陰虛絡傷。下元不爲收攝。必絕慾經年。腎精默充可愈。

人參

熟地炭

炙甘草

五味子

禹餘糧

郁^{三十}歲。秋暑暴熱。燥津損液。消渴。再熾陰不承載於上。金水同乃子母生方。

人參

鮮生地

麥冬

柏子仁

知母

青甘蔗汁

處方如鮮花。抑何清靈也。

楊^{三十}歲。陽氣爲煩勞。久傷腹痛。漉漉水聲。重按痛緩。非水積聚。蓋陽乏少運。必陰濁凝滯。理陽爲宜。大忌逐水攻滯。

生白朮

熟附子

澤瀉

左牡蠣

水泛丸。

李壽星橋五十七歲寒濕傷陽。痞滿妨食。脈沈色黃。是脾胃病。議辛溫通中焦之陽。

生益智

萆撥

檀香末

薑汁

茯苓

炒焦半夏

江寶林寺前五歲痺瘧邪在肺。口渴骨節煩疼。用桂枝白虎湯。

黃嘉興三十九歲向年戌亥時發厥。是以肝腎陰虛。陰火內風蒙神。陰火內風蒙神千鍾百鍊而出一語勝人

千百味之無極治逾五載。迄今左目流淚。至暮少明。胃脘中隙痛。經謂肝脈貫膈入胃。

肝竅在目。此皆精血內虧不足之象。若云平肝是疎尅。攻治乃相反矣。

天冬

熟地

杞子

元參

浙菊花

穀精珠

鄒歲稔年。瀉血便溏有三四載。面黃形瘦。五疔之症。起於五味雜沓。腸胃生熱。若不慎口食。久疔延勞不治。

川連

胡連

茯苓

白芍

枳實皮

焦朮

南查

臭蕪荑

使君子

烏梅肉丸。

秦艽廿二據述久逗客邸。情志不適。致腕中兩脇。按之而痛。大便久不爽利。脈形弦堅。面色不華。納食已少。虛中有滯。以宣通腑絡。情志不適。肝木必乘胃土。食少不化。是虛中有滯。

熟桃仁

海石

土瓜萹

熟半夏

橘紅

枳實皮

秦九勞心力辦事。氣怯神耗。致病。醫咳嗽失血。多以清涼為藥。視其形色脈象。

凡勞傷治嗽藥。不惟無效。必胃口日疲。

小建中湯

賀四入十歲腎水脂液。變化痰飲。每遇寒冷。勞動身心。喘嗽吐涎。即至。相沿既久。腎愈

怯。裏氣散漫不收。此皆下元無根也。此之腎虛乃腎陽衰而真氣無根也

人參

茯苓

於朮

白芍

熟附子

五味子

金匱附子湯加五味子以收裏氣。使下元歸根。蓋腎為納氣總司也。

鄭三十歲雨淋衛陽受傷。熱水洗滌。迫其冷濕深入水穀之氣。與冷熱互蒸。肌肉發

黃。陳無擇曰。穀痺能食不飢。舌有黃胎。一年之久。寒濕已釀濕熱。凡濕傷必太

陰脾。熱必在陽明胃。不分經絡亂治。乃不讀書醫工。言言指點分明。後學最當着意

人參

川黃連

生穀芽

熟半夏

枳實

嫩柴胡

淡黃芩

陳皮白

薑汁泛丸。

陳葑門六十七歲老年仍有經營辦事之勞。當暑天發泄之候。已經久嗽而後噎血。是陽

升上冒。陰不承載之病。病中再患瘍潰膿洩。陰液走漏。天柱骨倒。尪羸僅存皮

骨。兩交令節。生氣不來。草木焉得挽回。固陰斂液。希圖延接日月而已。是陰虛

陰之病層次施灑而下
徒病情最細膩恬雅

每日飲人乳一盃

戈六十歲便瀉幾年。中下之糞內帶血。肌肉大瘦。傷陽色黃無力。延及夏秋。食物大減。

是積勞陽傷。受得溫補。可望再甦。

附子理中湯

吳三十歲遭逢數奇。情志鬱勃。勞傷客感。兼有病實體虛照顧。勿犯二炁。是攻邪宜

輕。

連翹

飛滑石

花粉

白薤仁

桔梗

杏仁

橘紅

枳殼

張^{卅三}上^三歲烈日追呼。氣傷熱迫。保胃陰以養肺。益腎陰以固本。

生白扁豆

白玉竹

北沙參

甘草

麥冬肉

桑葉

保胃陰。卽所以益腎陰也。看用藥可知。

陳^廿少壯春夏失血。次年至期再發。在裏陰損不復。數發必凶。用藥勿犯胃納。

六味加麥冬、五味子、秋石。

張^{桐橋}五^{十二}歲久痢三年。

理陰煎

沈塘棲四十五歲舌乃心苗。腎脈繫焉。舌下腫硬。伸縮不得自然。乃心陽自亢。腎陰暗耗。

內關臟液虛損。清熱消腫無用。常服大補陰丸。燈火旺盛。蓋抽易涸。心火亢。腎水

陳關上十歲瓜水辛寒傷陽。渴瀉腹鳴。

公丁香柄

訶子皮

官桂

生廣木香

茯苓

炮黑薑

茅朮

新會皮

厚樸

溫中兜澀。燥濕通陽。諸法畢具。

葉廿七歲此腎損久瀉亡陰。當暑熱氣自上吸入。氣傷熱熾。音啞痰多。水涸金痿。非

小恙也。絕慾固下。勿擾煩以寧心。精炁再甦。望其痊可。蓋金從水養。母隱子胎

病腎精內奪每聲啞而死亦此義也

熟地炭

生扁豆

人參

茯神

川石斛

女貞子

汪 不以失血。獨取時令濕邪。得以病減。凡六氣有勝必復。濕去必致燥來。新秋

暴暑燥津。且養胃陰。白露後可立丸方。識膽俱起

麥冬湯

孫橫山頭 男子及長。慾萌未遂。腎中龍火暗動。精血由此暗傷。陰虛自內臟而來。

涼肝嗽藥。必致敗壞。蓋胃口一疲。精血枯槁矣。三才合生脈加扶神

人參

熟地

茯神

五味

天冬

麥冬

孫五 歲十 愛飲火酒。酒毒濕熱。自腸胃經絡蒸搏肌腠。瘡痍遍及肢體。經年久蘊不

解。法當用局方涼膈散。攻其無形之熱。攻熱分有形無形細密極矣

胡十 歲四 性情執拗。鬱勃氣逆。粒米入脛卽痛。父訓卽若癡呆。由肝膽木橫來劫胃

土。上年入冬自愈。秋金肅降。木火不主威。非狗肉溫濁之功能。乃適逢其時耳。

夏枯草

生香附

川貝

土瓜萇

黑梔皮

化州橘紅

開結化痰。利氣清火。色色周到。

顧五十五六月間。天熱潮雨。濕氣着人。漸次浮腫。能食不化。腰脹脾真已傷。濕結阻氣。大便秘塞。脾病傳腎爲逆。陰囊腫大矣。

甘露飲去石膏

李三四齡令寒暑瘧初減。而腕腹痞悶。是宿病。宜清虛旬日。

厚樸

草果

半夏

生薑

廣皮

茯苓皮

送保和丸二錢五分。

殷計九 先天稟薄。及長真陰不充。完姻精悉下洩。春深入夏。陽氣陡升。陰弱少戀。血痰上溢。着枕嗽甚。乃陰中龍相。有如電光閃爍。傾盆大雨。其光芒仍熾。是身中陰枯陽亢。日進涼藥無用。明明肝腎為病。醫投肺藥。希圖緩嗽。嗽必不效。胃口必減食。形瘦莫如絕慾。靜處林壑。養精血。增穀食。既損難追。靜養漸復。從來

已成臟真已失。惟有相火煎熬津液。成粘痰。即投大劑補藥。已為陰火拒格。不入經絡。化液以復精血。停滯脾胃。寒中泄瀉而已。真火燎原。無法可治。

水煑熟地 茯神 山藥 女貞

黃肉 芡實 湖蓮 川斛

韓七 病人說兩年前初春。高處跳躍至地。入夜即有寒熱。繼而少腹形高。脈絡兩足屈曲。醫謂腹癱腸癱。從無膿血便出。自病至今。筋縱着骨而脹。即起寒熱。瘀留深入厥陰。在軀殼間。久則成瘍。跳躍跌撲損傷必有寒熱以動躍傷筋骨

火必發而為熱也

穿山甲

自然銅

川烏頭

全蠍

半兩錢

地鱉蟲

生青鱉甲

粉丹皮

麝香

黑豆皮煎湯泛丸。

朱^五二^十歲此操持太過。肝血膽汁內耗。致陽氣上冒入巔。外洩汗淋。陽不入陰。陽躄

穴空不寐。莖痿不舉。非寒皆肝液無有。有暴仆暴厥之危。卽是陽氣煩勞則張

形容得
出妙筆

小麥

萸肉

南棗

白芍

炙草

白石英

浦^{廿二}歲。陰虛受暑。如飲腹滿。

小溫中丸^{二錢五分}

朱歲廿八 歸脾湯以治嗽治血。謂操持勞心。先損乎上。秦越人云。上損過脾不治。不曰補脾曰歸。以四臟皆歸中宮。斯上下皆得寧靜。無如勞以性成。心陽下墜爲瘍。瘍以掛線。俗云偷糞老鼠總因腎精虧竭。心陽下墜爲瘍。總不脫少陰一經。脂液全耗。而形寒怯風。不但腎液損傷。陰中之陽。已被剝斷。勞怯多由精悉之奪。

鮮河車膠

人參

炒枸杞

雲茯苓

紫衣胡桃肉

沙苑

金歲十六 着枕氣冲。顯是陰中之熱。驗寸搏舌白。濁飲擬議。暑熱上吸。心營肺衛。客氣未平。先用玉女煎。

下焦不納。氣冲不論。行止坐臥。總易上升。此必着枕氣衝。是有客氣未平。不與下虛同例。須知而細分之。必着枕氣始冲坐立時尙未冲也。

陸西津橋 廿二歲節令嗽血復發。明是虛損。數發必重。全在知命調養。近日胸腕不爽。身

痛氣弱。膩滯陰藥。姑緩議養胃陰。以復從頭走足之常。養胃陰所以降逆氣也

生扁豆

北沙參

生甘草

米拌炒麥冬

白糯米

范三歲窮乏之客。身心勞瘁。少壯失血。尙能支持。中年未老先衰。久嗽失音。非是

肺熱。乃臟陰內損。不能充復。得納穀安逸。可望延久。就人情中體貼出來

早服六味加阿膠。秋石。晚用黃精米仁膏。

張三歲。思慮悲憂。由心肺二臟。不宜攻劫峻利。蓋手經例以輕藥。謂二臟處位最

高。問飲酒過量。次日必然便溏。蓋濕聚變痰。必傷陽阻氣。痰飲由陽微氣弱而

來。悲憂又係內起情懷之恙。務以解鬱理氣。氣順卽治痰矣。解鬱理氣不用辛燥轉多辛潤之品

以鬱氣之人必有鬱火。陽氣雖薄。不可辛燥。以助火耳。心極細矣。

枇杷葉

薏苡仁

白薏仁

茯苓

杜蘇子

新會橘紅

鮮石菖蒲根汁 降香汁

屈廿二歲。長夏患痧脹。兩三月漸漸腹大。入夜腹痛。凡痧是臭污穢氣。留聚入絡。變

出腫脹。議以穢藥宣通。以臭治臭。精妙絕倫。

阿魏丸

此必有有形留着。不第無形穢濁已也。

遲四十八歲。背寒爲歛。凡遇冷或勞煩。喘嗽氣逆。聚於胸臆。越日氣降痰厚。其病自緩。年分已多。况云中年不能安逸。議病發用金匱法可效。治嗽肺藥不效。

桂苓甘味湯

朱三十歲。此內損也。損者益之。按脈虛芤。精奪於下。當補益肝腎精血。

李廿七歲。兩年久病。決非風寒暑濕。據云腹鳴不和。左脇下堅硬。直至少腹。鞏丸偏大。子和七疝主肝爲多。男子縱慾。傷及衝任亦多。是病辛香流氣。壯年可用。精

陽氣所以防禦下焦陰寒既因縱
慾傷及奇脈先用辛香流通氣分

小茴香

真橘核

茯苓

澤瀉

川棟子

青木香

黑梔仁

青皮子

水泛為丸。

李^{四十}歲 臭穢不正之氣。入自口鼻着于募原。不飢嘔逆。中焦病也。宣通濁痺為正。

發散清寒為忌。達原飲

草果

檳榔

藿梗

厚樸

杏仁

白蔻

半夏

薑汁

臭穢雖屬無形濁氣。但粘着募原。必與濁滯有形凝結。不飢嘔逆。惡寒發熱。濁邪併結堅聚。非達原飲不除。

顧^{二十}歲 內損是臟陰中來。緣少年慾念萌動未遂。龍雷閃爍。其精離位。精血雖有

形象。損去藥不能復。必胃旺安納。古稱精生于穀。迨病日久。陰損枯涸。漸干陽位。胃口淹淹不振。中乏砥柱。如妖廟焚燎莫制。陽主消鑠。遂肌瘦喉刺。褚氏遺書論損怯。首云男子神志先散。為難治之症。此下損及中至上之義。問大便三日一行而枯澀。五液乾枯。皆本乎腎。腎惡燥。味鹹為補。佐苦堅陰。醫以不按經義雜治。談何容易。腎臟精神依之如魚得水。謂精足則神旺也。腎精既乏不能神明。此由下損及中至上與也。義也。

人參

阿膠

鮮生地

茯神

龜版

柏子仁

藥取清陰之品。不取濁膩滋填。早為胃中納穀以生精作地步。應加黃柏少許。俞申衛前男子中年。下元先虧。人到中年生氣日淺。腎肝精血因真陽衰而不必戕賊生陽有去無來。故下元先虧也。腎臟陰中之陽。不司涵煦。陰不承載于上。遂渴飲溲頻溺。有硝鹵之形。內經有遺

熱遺寒之分。上中之消主氣熱。下消以攝腎。蒸陽以運津液。以既指明下消之所
之名案方

八味湯

堂堂正治。波瀾老成。

李三四歲。瘧寒必嘔。胃滯痰濁未已。舌上微白。不嗜飲。開結理氣如是。

草果

厚樸

萹撥

橘白

杏仁

熟半夏

薑汁

張三五歲。三瘧久延。兩三年。面肌黃萎。脣口枯白。食入脘腹。膜脹。足痿如墮。至晚浮
腫。其所傷者脾陽腎陽。然脾以運行則健。腎宜收納為命根。非一方兼用。按古
法。

早服腎炁丸。晚服理中湯。早晚分頭而
治切實了當

周歲十氣血已衰。噎膈反胃。每每中年以後。蓋操家勞瘁。必傷心脾之營。營液日枯。清氣日結。而食管漸漸窄隘。鬱久痰涎內聚。食入涎沫迎湧。而致反胃。此乃氣分之結。提清氣分之結。便有主腦黃地。枸杞。滋養肝腎胃。先覺其膩滯。焉得肝腎有益。

大半夏湯

人參補氣生精。半夏消痰開結。白蜜潤燥滋液。最爲切當。

吳五十歲據述咽中氣衝。卽起咳嗽。經年調治。漸致食減力乏。此皆不分外因。徒受治痰治嗽之累。凡久恙當問寢食。參視形色脈象。越人謂下損及胃是已。卽氣衝內損顯然。尙徒治痰治嗽。何怪先生鄙夷。

建中法

吳通關坊四十四歲勞傷治不以法。反受藥傷。絡血涸而爲痛。食入痛來。病在胃絡。以甘緩肝。急以救胃。

桂元肉

炒桃仁

孫北濠廿六歲。食後左脇氣逆痛。是肝膽氣熱。老筆

丹皮

鈎藤

生地

川石斛

柏子仁

茯苓

李五六歲。少腹滿脹。必在夜臥而甚。晨起腸泄濁氣。白晝仍可辦事。延及幾年。氣衝

胃脘高突而冷。舌根亦脹痛。自胸及於舌。醫用吳萸、川楝、苦辛溫佐。苦寒降泄

不安。則知有年。下元已虛。氣散漫不為下歸攝矣。此即西昌老人所謂地氣加於天之症也。治法清切尙嫌

遲鈍應先用妙
枯腎氣湯幾服

八味丸 三錢

金三十歲。便瀉下血多年。延及跗腫腹膨。食少色奪。無治痰嗽涼藥之理。脾腎兼

九蒸熟白朮

淡熟附子

王七歲高年氣衰。不耐暑伏。久熱迫津液被傷。陽不內歸。陽不內歸四字極精寐少不靜。例

用竹葉地黃湯。養液除熱。莫與氣燥味劣。反致戕胃。陰陽每相依戀。老年少寐。津血少而陽不內歸也。

尹織造府前五十八歲望六。運行之陽已微弱。飲酒及食物。氣滯而濕聚。拿定氣脈絡不行

不飢。氣攻觸痛。舌上白膩。以辛溫開氣痺。分濕理痰。

半夏

茯苓

葶藶

生薑

生益智

新會皮

丁五十一歲面色亮。脈弦。此屬痰飲。飲伏下焦腎絡。中年冷暖不和。煩勞傷氣。着枕必

氣逆。飲泛喘促。腕悶咽阻。治之可效。而不除根。

越脾法

麻黃石膏。恐不可以治此。症或有誤。

楊五十二歲氣從左升。自肝而出。酸水湧上。食入嘔出。胃中乏陽運行。木來尅土。當此

年歲。反胃妨食。乃大症也。川椒係木來尅土。吳萸雖能洩肝而乾薑胡蘆巴

人參

茯苓

吳萸

乾薑

胡蘆巴

炒黑川椒

此方尙應安頓肝木藥參入二三味。

沈三五歲吞酸嘈雜。不化食味。宣泄氣火

藿香

橘白

川連

金石斛

茯苓

黑梔皮

胡十直六歲望色瘦少膏澤。按脈弦促而芤。問納穀不旺。病幾數年。每春夏陽升氣

洩。偶加煩冗。或情志不適。血必溢出上竅。已交中年。非少壯陰火相同。情真夫

心主血。脾統血。肝藏血。臟陰內虛。陽動乃溢。常服歸脾湯減耆朮。木香加芍。和

肝脾之陽。久進有益。宜靜攝不宜煩勞。乃王道養正善藥。不計驟功者。

徐富郡中巷四十三歲向來納穀不旺。自失血咳嗽以來。僅能靜坐。若身動必加氣喘。問仍在操持應接。脈來虛濡。此皆內損臟真。若見血投涼。因嗽理肺。卽是謬藥。

人參

茯苓

黃精

炙草

枸杞子

白芨

棗仁

桂元肉

黃六九十歲凡食腥油濁物。胃脘必痛。老人運行之陽已衰。脾陽已衰陽不勝陰皆陰凝內痛。必以取氣陽藥。沉香、白菴、破洩真氣。誤用則刺其凶。

人參

小熟附子

生薑

白蜜

桂枝

茯苓

陳十八歲暑傷熱入於陰痺瘧。

生淡鱉甲

肥白知母

粉牡丹皮

川貝母

大原生地

地骨皮

麥門冬肉

生粉甘草

張^{廿五} 血色濃厚。是肝腎陰虛。凡勞心情慾。必要禁忌。醫藥以寒涼滋清。久則胃傷減食變凶。

熟地

芡實

山藥炒

湖蓮肉

川石斛

茯苓

方中皆補而不滯之品。

邵^三 歲五液變痰涎。皆腎液之化。陰不承載。咳痺痛甚。乃勞怯之未傳。能勉強納穀。可望久延。

阿膠

雞子黃

黑豆皮

川石斛

戎鹽

藥用鹹降。

葉^七 歲衝氣自下而起。丹溪謂上升從肝而出。木侮胃。食少噎逆。不得着枕臥眠。

夏熱時風迎胸痛。艾灸稍安。久恙陽微。須用甘溫。前法皆以疎通不效。本虛無疑。金匱見肝之病。必先理脾胃。防患於尅制耳。惟中上之陽氣不充。是以下焦充實。中上之陽下焦濁。氣何能上。升此君明臣良下民安靖矣。

人參建中湯

諸新開河橋形瘦色黃。交陰身熱。冲年夏熱。真陰不生。秋燥加嗽。最有損怯之累。

竹葉地黄湯

李三十歲濁穢中結。渴飲則嘔。

蘇合香丸

今人觸冒穢氣。動輒刮痧。蘇合香丸遠勝他藥。但屢開則盛耳。

程四十歲肌色淡白。脈右弦左緩弱。大便久溏。噯噫噦聲不已。日前謂吐虻起見。以酸苦和胃理肝。病人述用藥不飢腕悶。乃中宮陽微。味多酸濁酸苦。屬陰不中。

病矣。議運行中焦之陽氣。辛可以勝酸。用藥不知轉換變通必先傷脾胃之陽此事須極靈活人方能入道

人參 茯苓 益智仁 生薑

胡蘆巴 厚朴

李苦一歲經廿甘務農勞力。周身脈絡皆動。暑天負重。兩次失血。况已先有瀉血。血聚在

絡。絡繫臟腑外郭。蓋靜養血寧。必一年可以堅固。血聚絡而不用宣通藥者以

補則自達

熟地 歸身 杞子 沙苑

茯苓 山藥 杜仲 巴戟

川斛

徐十八歲入有夢乃遺。是心動神馳精散。用交心腎法。

水煮熟地 萸肉 遠志肉 生龍骨

茯神

石菖蒲

芡實

湘蓮子肉

用藥淵微。

顧廿三三日瘧是入陰經而發。延及數月乃罷。其瘧熱在裏。劫損肝血腎精。長夏

一陰不復。遂加寒熱汗出。此病傷成癆。淹淹肉消形爽。必絕慾生出精血。有充

復之理。草木無情無用。瘧邪不可強截。截則寒熱雖罷而伏邪留着。逼燦精血

深一日勢必延成癆損也

人參

河車膠

茯神

萸肉

五味

芡實

山藥

建蓮

有陳岐山亦因此喪身。確切之論。

曹廿一聲出於肺。全賴元海之氣旺。俾陽中之陰。承載於上。而聲音自揚。據吃柿

餅遂嘔。考其性甘寒而清肺熱。久嗽氣散不受。參者甘溫。亦有見效者。若五旬

男子下元日虧。金水同出一源。形色黃萎少澤。全是下虛上實。所幸納穀不致驟凶。經年累月。焉有速功。

阿膠

天冬

黑豆皮

雞子黃

大生地

二十劑後。服六味加五味、川斛。

注

五十

臟真繫於目珠。不獨肝竅。中年五液不充。陽挾內風。侵及清竅。光明爲陽

蒙蔽。非六氣致傷。法當酸收甘緩補法。但六味湯究屬是三陰三陽平劑不切。

實者當升清降濁。虛者應酸收甘補。治羞明昏蒙之大法也。

炒焦枸杞

菊花炭

萸肉

五味

人參

炙草

羞明目病。雖係內傷。其故亦非一端可盡。有初感時邪。風火攪擾而羞明者。有

陽挾內風。光明爲濁。陽侵擾而羞明。有下焦濁陰上泛。不敢與陽光敵而羞明者。

孫北據廿六歲氣鬱滯則血不行。當理血中之氣。

南查

生香附

另煎四物湯。收入烘炒磨末。製方極巧妙

益母膏丸四物。陰濁而滯。得查附以流通。查附氣燥味辛。得四物以滋潤。氣血兼理。燥濕協和。再得益母以行血。血中之氣宣順矣。卽有痰滯血凝者。亦可服也。

徐廿四歲初診謂下焦跗踵浮腫。以收攝肝腎病者。用過頗安。但胸脘不舒展。改進開泄血中之氣。服之又不安。且面少華色。痞悶又如飢。當以虛論。未有驟功。層換轉

人參

桂心

茯苓

炒當歸

煨薑

炙甘草

吳四歲操家煩冗。兼有嗔怒。肝脾不和。腹脹由脇至腕。木犯中土。必妨食不飢。理

氣舒鬱。和其中宮。開鬱總不離越鞠法

南查

生香附

神麩

茯苓

鈎藤

橘紅

趙三十歲腕痛映脊。甚則四肢逆冷。問當年產後瘦泄。今帶漏脊椎痠垂。內經云。陰

維脈病苦心痛。醫不知維脈。陰陽異治。謂痛以破氣降氣。何見識淺陋乃爾。凡

人腕痛久不愈者必是奇經中來曾用過鹿角膠一筋治十四年腕痛不止者

鹿茸

角霜

當歸

小茴

枸杞

白蒺藜

茯苓

茯苓

沈三歲壯年。望色奪肉瘦。脈左細右空。此男子精損真悉。不主收納。自述少腹築築。動氣而痛。病形脈症。已在下焦。治肺嗽大謬。雜治日延勞怯。少復助氣是關元氣海極虛命帶真氣已離散不可收。拾由下竄上法在不治。

薛氏八味丸三錢

金五六歲熱傷氣分。水穀不化之濕。留着胃絡。已入秋涼。衰年氣弱。夏令伏邪未去。

議東垣清暑益氣。減去滯藥。從來氣旺之體即感時令偏氣有本體元氣以轉旋時令偏氣即為之默化衰年氣弱客氣為主矣

人參

茯苓

神麩

升麻

葛根

澤瀉

廣皮

木瓜

川連

趙廿三歲。當年厥症。用填精固攝乃愈。知少壯情念內萌。陰火突起。亂其神明。今夏

熱食減厥發。繼而淋濁。熱入傷陰。苟不絕慾。未必見效。傷陰熱入而傷胃陰也勿被瞞過

人參

茯苓

扁豆

炙草

炒麥冬

川石斛

陰火最能衝亂神明。試觀燈檠煤頭帶火墜下。火燄衝起。盞上之火即搖動不寧。非明證歟。

劉七歲操持用心。心陽擾動。暗耗脂液。上則悸怔氣怯。下則腸枯便難。視色蒼肉

瘦。溫補不受。先倣徐之才滑可去瀉。裁縫尙能相體剪裁操司命之責者可不因人施治乎此色蒼肉瘦不用溫補之所

以爲高也

柏子仁

松子仁

郁李仁

冬葵子

杜蘇子

麻仁

用諸仁既可悅心。更滋腸液。切當清真。金針暗度。

諸歲^{十六}夜熱不止。舌絳形乾。前議伏暑傷陰。用竹葉地黃湯不應。是先天稟薄。夏

至一陰不生。陰虛生熱。成癆之象。寒之不寒。是無水也。

三才加丹皮骨皮

趙七頭暈心嘈廿年。向老年歲。血耗陽化內熱。近來減食。不必偏寒偏熱。以甘

柔緩熱熄風。無燥熱戕胃之累。好好陽氣一經血耗便化內熱。即陰虛生內熱之變文也。新極。

桂元

枸杞

天冬

生地

茯神

柏子仁

甘柔藥味平和。可以緩熱熄風。蓋甘能生液。柔則養陰。老年人調攝要着。蓋老人久病。全要調扶胃氣。一切龐雜駁劣之藥。概不可投。以其戕賊胃氣也。

陶廿九暑着必阻遊行之氣。但熱無寒。瘡痍不盡。其邪骨節痛。肢末腫。從仲景濕

溫例。用蒼朮白虎湯。

楊廿六脈虛數。久嗽嗆血。勞則寒熱。

虎潛丸 四錢

顧歲廿二少壯。冬不藏精。仲春內熱召風。謂風溫。咳嗽內傷。略兼外邪。治邪必兼養正。風雅昔人有溫邪忌汗下者。謂陰陽二氣不可再傷也。一逆再逆。病日深矣。視面色黃白少澤。按脈形致虛。下垂入尺。望色切脈細密極矣。問咳頻氣不舒展。必有嘔惡之狀。顯然腎虛少納。肝陽陰火衝起。犯胃爲嘔。熏肺喉癢。其不致驟凶。賴水穀未減安受。攷血必聚絡。氣攻熱灼。絡血上湧。精血有形損傷。草木無情不能生續。血脫益氣。乃急固其暴。治法以潛心寧靜。必情念不萌。絕慾腎安。斯精血生聚。若頻發不已。雖安養不能卻病。風溫雖緣外感。然必肝腎內虛。冬不藏精。相火上遊。有以召致外邪。而溫邪內陷。牽引龍雷。伏於內則灼津耗液。衝於上則咳嗽失血。純見內傷惡狀矣。

人參

熟地

川斛

五味

女貞子

茯苓

漂淡天冬

紫衣胡桃肉

三才加以攝納。佐以填陰。

陳十六歲。秋燥欬嗽。

桑葉

川貝母

南沙參

南花粉

玉竹

蕭廿一歲。伏暑上鬱。

連翹

飛滑石

大竹葉

白杏仁

象貝

方藥俱精妙。

張十門六歲。老年下虛疲多。入夜衝氣。即是陽起坐新涼內侵。腎水泛。氣不收納。常

服腎炁丸。

桂苓甘味湯

范廿四歲。勞嗽三年。形羸便溏。大凡久損。必調脾腎爲根本。當夏熱發洩之後。須培脾胃。得加穀安適。僅圖延久。

戊己湯

許三十歲。脈大而空豁。中年操持。形體勞瘁。此失血食無味。乃氣弱所致。見血投涼必凶。

小異功散

失血食無味。不責之陰虧。而責之氣弱。祇以脈大而空豁耳。

吳廿三歲。夏病入秋。嗽血。外寒內熱。乃虛症。陰陽交傷。色萎黃。脈大濡。可與人參建中湯。

陰陽交傷。而用人參建中法。是益中宮陽氣以生陰也。蓋精生於穀。既建臚中之陽。以助生氣。復建脾中之陽。以運水穀。則陰從陽生。不患交傷矣。

李三十 農人入夏必煩倦。飲酒者脾胃必弱。建中益氣法。疏方清潔

熟於朮

益智仁

茯苓

木瓜

廣皮

生白扁豆

李十八 三瘧傷陰。陰傷內熱。已經失血。咳嗽。少年勞損。宜安逸靜養。但藥無益。

鱉甲

阿膠

白芍

丹皮

茯苓

北沙參

生地

天冬

王一十 歲血枯腕痺便艱。慮格拒妨食。

麻仁

桃仁

郁李仁

蘇子

柏子仁

歸梢

馬五十 形壯脈小數。口喎。左肢麻木。男子虛風內虛。肝臟養血。可以熄風。非外邪

驅風攻痰。痰為風火所逼。養陰痰自不升。

枸杞

白蒺藜

玉竹

北沙參

當歸身

經霜桑葉

高廿九向來陰虛熱勝之質。夏至陰生。未能保攝安養。暑伏熱氣內迫。尤令傷陰。

秋半氣燥。熱亦化燥。心中漾動失血。陽不下潛所致。以玉女煎潛陽何其清靈也

生地

麥冬

清阿膠

桑葉

知母

生石膏

生甘草

顧混堂巷壯盛。色白肉瘦。脈細小如數。下垂。察色憑脈。是屬腎虛。五液不運。精微

內蒸。粘涎濁沫。是致生涎沫凡有思慮煩勞。肝陽挾熱氣上升。是吐涎沫痰沫

隨氣乘胃而出上竅。其聚處在乎腎絡。一筆入味丸即古腎炁丸。理陰陽以收

腎氣。使水沫不致上泛。不為差謬。少壯必先傷於陰。拙見議減桂。辛。甘伐肝。加

五味三倍。少用沉香。入少陰之絡。仍跟上絡攷經旨腎陰中有真陽溫煦。生生

自旺。若肝臟日剛。可知感桂有妙理。木火內寄。情志拂逆。必相火勃起。謂涼則肝寧。昔

賢謂肝宜涼。腎宜溫也。是大小名家方案。腎虛腎之真氣虛也。真氣虛則腎陰亦不生旺。無以養肝。而肝陽挾熱逆上。火與元氣不兩立。

真氣即為元氣。元氣衰而火愈壯。肝為木。火總言。故減桂為妥。

腎虛是病根。肝陽旺是相因而致。

腎陰腎陽。原難區分。蓋精化為氣。氣化為精。未有精走而氣不耗者。腎氣耗散。而相火起矣。

少壯肝陽正旺。減桂加入五味。沉香。此損益古方。最有斟酌。

丁廿二歲。勞怯在前。痛利後加。外如寒。內必熱。陰傷及陽矣。病深且多。醫藥焉能瞻前顧後。姑以痛墜少緩。冀其胃甦。非治病也。

理陰煎去炮薑加白芍。恐辛燥傷陰。

外如寒。內必熱。此之陰傷及陽。是陰精已奪。陰火燔灼。身中元陽。盡為陰火灼。

耗。此之謂陰傷及陽。

薛廿五歲

少年心陽下注。腎陰暗傷。尿血血淋。非膀胱協邪熱也。夫陰傷忌辛。言腎

虛惡燥。醫投東垣辛甘化燥變熱。於病悖極。生脈中有五味。亦未讀食酸令人

癢閉之律。才大心細。入面玲瓏。溺出莖痛。陰液枯寂。手少陰。腎陰暗傷。由於心陽下注。是

病本在心。主所以不用填補。腎肝之藥。而惟甯神。斂液。清火。潤燥。以戰神明耳。

茯神

柏子仁

黑芝麻

穉豆衣

天冬

川石斛

馬齊門十歲純陽之體。脈來濡腹大。按之不堅。脈象非陽。述食時不適意。鬱傷在脾。

法當辛溫通補。妙香散加減。

人參

厚樸

煨薑

益智

茯苓

煨木香

吳九歲夏季用苦潤。通小腸火腑。病人說大便仍不爽。肛門下墜。裏急後重。始而臍旁。漸及胃脘。按之而痛。食入脹加。遇嗔怒病甚。姑以解鬱和中之藥。此方及求免無過略。有文理而已。未見心思。

生香附

烏藥

蘇梗

茯苓

新會皮

生益智

吳四歲。面色枯黃。枯若老頽。脈形全乏。生陽。嚙物必痰涎濁沫。上湧阻痺。述穢毒疳蝕。毒收即發。此病治反胃噎格。決不效驗。是挾毒病法。當解毒安中。

湯四十歲。陽升巔頂。上虛下細。心有狐疑。動多陽不下潛。入夜心事交集。寤不成寐。潛陽益陰主治。心猶火也。弗戰將自焚。故用蓋中添油法。

淮小麥

炙草

知母

生地

茯苓

丹參

王五六歲老人下元久虧。二便不和。皆是腎病。肛墜下血。下乏關闡之固。醫謂脾虛

下陷大謬。知腎惡燥烈。識見超老議病明快妙在不用熟地溫腎佐以涼肝

人參

炙草

五味

黃肉

女貞

旱蓮草

唐四七歲腎虛不納。久嗽。

附子七味丸 三錢

劉歲五十 春夏地氣上升。人身中陽氣發洩。不論男女。中年後下元先餒。人應天地

氣交。此喘嗽氣衝。入夜欲坐難眠。皆腎衰不足攝納真氣。脈小弱。非外客邪。治

其本病。直載通快
曉如指掌

腎炁去桂。牛膝。加沉香。五味。

陶木瀆十三歲 夏季洩瀉。秋半腹膨仍痛。問飲瓜汁水寒。脾胃陽傷。氣呆乃脹。疎通帶

補必佐溫以復陽。治法須留意脾喜辛香不嫌辛燥况有大力人參以扶中

人參

茯苓

公丁香

甘松

厚樸

廣皮

木瓜

南查肉

吳二十歲述暑伏減食。即熱傷氣之徵。中秋節令知飢。未得加飧。大凡損怯之精血枯寂。必資安穀生精。勿徒味厚藥滋滯。

小建中湯

潘二十歲。據述失血三年。不分四季而發。已逾數次。問未曾完姻及當家操持之累。

必係先天稟薄。難耐動勞。用都炆加秋石。此亦無可奈何治法

鮑廿四歲。述厥冒來必迅疾。醒來亦速。既醒精神少靈慧。逾時臥息乃清。凡六氣之

速。莫如火風。此內起臟真之陽。肝膽最速。乃下焦腎水暗虧。水不生木。議填補

酸收壯陰法。病標在肝膽病本在腎虧故以金珠安鎮靈臺清降水火即以大劑滋填腎陰酸收木氣佐以交通心腎絲絲入籠

真金箔

白廉珠

石菖蒲

熟地

遠志肉

五味子

黃肉

茯苓

龜版

周廿三形羸瘦。色枯瘁。身略動必喘息氣急。此皆下焦精血已枯。腎氣不收。散漫

沸騰。凡肝由左升。肺由右降。腎精交奪。升多降少。右背胸脇高突。損及臟真不

得着臥當此地位。乏前哲成法。可以卻病。早上飲人乳。接服附子七味丸。論病

人身之氣升逆則諸病畢集。肅降則清明在躬。腎為納氣總司。收攝之權全在葆腎。故能凝精而承命。

金三十歲。臍間衝氣上逆。已見眼自覺壘攻。及脘中痛脹。兼作若響動。下行痛脹始

緩。噯多嘔沫。大便艱澀。此近關格之病。早以十年宿病。圖效頗難。此等病補益

其迂滯不靈。只得走出一層滑瀉法。以和肝。

桃仁

延胡

郁李仁

川棟

火麻仁

冬葵子

和肝陽以潤腸胃。俾二便常通。則濁氣自然下降。不致上逆攻衝。痛脹亦止。

張五十神不靈爽。乏歡悅之念。宿癩由情志不適。而致內因之恙。向老食少。理竅

開結。治痰必佐參、苓、養正。理竅用結治痰三法。因食少向老兼佐養正色色都到。

人參

炒黑遠志肉

茯苓塊

石菖蒲

新會紅

熟半夏

竹瀝

薑汁

高六十歲問不頭痛身熱。已非外邪。何用發散。述熬夜後。口喎舌強。肢麻。老年人因

勞氣洩。用如東垣所議。青藥助陽以治內傷之熱。

生黃耆

炙甘草

當歸

桂枝

生薑

南棗

秦七十血虛肝風頭暈。玉女煎加減方如鮮花恰當病情。

天冬

生地

杞子

桂元

菊花

石膏

方廿五

涇廟前溫通血分之濁不效。痛泄不已。兩足筋縱。議三建天雄生附川驅陰

邪以通脈。大力量大膽識

秦一五十歲脈沉微少腹衝氣兩脇脹痛嘔逆。

真武湯

治少陰之水。非真武不靈。

林三十歲此夏受濕邪成瘧。氣分受病。脾胃未醒。過秋分天降露霜。此氣肅清。

生白朮

宣木瓜

茯苓

益智仁

新會陳皮

楊廿歲許巷農人勞力。左脇有形自能升動。未必瘀血。當理血中之氣。須戒用力。不

致變凶。

左牡蠣

茯苓

海石

桂枝

熟半夏

枳實皮

張五^十歲中年肉瘦色黃。言語動作嗆嗽。幾番大血。自知勞瘁。凡勞煩身心。必心脾

營傷。醫每嗽血輒投地冬滋陰涼藥。中年操持之勞。與少年縱慾陰傷迥異。截

了蓋心主血。脾統血。操持思慮。乃情志之動。非寒涼可勝。當用嚴氏歸脾湯。去

木香、黃耆。

杭^六歲^十疝病屬肝。子和每用辛香洩氣。老人舉大偏木。夜溺有淋。非辛香治疝。向

老下元已虧。固真理陽。猶恐不及。方藥堅實

炒黑川椒

鹿茸

當歸身

韭子炒

舶上茴香

補骨脂

羊內腎丸

謝六十一歲內經論諸痛在絡。絡護臟腑外邪。逆氣攻入絡脈爲痛。久則絡血瘀氣凝滯。現出塊壘爲痕。所吐黑汁。卽瘀濁水液相混。初因嗔怒動肝。肝傳胃土。以致嘔吐。老人脂液日枯。血枯則便艱。辛香溫燥。愈進必凶。漸成反胃格症矣。肝性剛。凡辛香取氣皆剛燥。議辛潤柔劑。無滯膩濁味。以之治格。不失按經倣古。

炒熟桃仁

青葱管

炒黑芝麻

當歸鬚

桑葉

冬葵子

絡脈可張可弛。氣血寧靜。營衛流行。便爾安舒弛緩。若肝氣逆衝而入絡脈。便脹急張大。營衛滯滯。氣血不行。留着而痛。痛久積瘀。漸致枯燥。此治絡貴乎辛潤柔劑滑利也。

張

黃棟廿六歲

夏季寒熱。入秋乃止。色黃脈弱。知飢不思納食。舉動痿奕無力。明是久

病傷損。已交白露不醒。議用養營法。去耆朮五味地黃。加南棗肉。

久病損傷。氣血必虛而滯。耆、朮、地、味。乃重滯堅厚之品。恐驟進運掉不靈。轉滋膩濁。故獨用原方中靈動鬆利之藥。加以南棗酸甘。俾胃虛脾弱之體。輕攏漫撚。漸次得益。此用補方之生心。化裁不呆鈍者。後學切須留意。

沈五十

三歲操家君相多動。酒熱先入肝膽。血溢在左鼻竅。左升熱氣。從肝膽而出。戒

酒及怒氣。肝血寧必止。

看病到此地位。清切不泛矣。

醫用犀角、地黃。乃陽明經降血之藥。是

不識經臟。無足道也。

指明醒後人眼目。

炒丹皮

黑山梔

降香末

真青黛

小檉豆皮

炒柿餅炭

側柏葉

的是厥陰經藥。一無夾雜。

張十六

先天稟薄。真水不旺。精先氣不充。少壯諸事懶倦。竟夜陰中龍雷內爍。早

間齒齦血痕。風傷內攻。巔暈流淚。是根本之恙。胃口亦弱。不宜太清內熱。風陽內攻

巖暈淚流意新
詞雅筆力鍊極

熟地

黑殼建蓮

茯神

芡實

山藥

炙草

川斛

木瓜

顧三十體質是陰虛。夏季時熱。必傷胃口。不易飢。進食惡心。皆胃口不和。不宜葷

濁。夏月熱氣剋燥胃口津液陽明主肌肉汗洩不已即傷胃陰

炒扁豆

茯苓

廣藿香

生穀芽

廣皮

金石斛

張六歲據說三年前。病後左脇起有形堅凝無痛脹。但未交冬。下焦已冷。議溫通

陽。望其開結。有形無痛脹是痰凝氣聚故溫通軟堅消痰缺一不可

生左牡蠣

薑汁炒天南星 真甜交桂

竹節白附子

當歸身

小川芎

薑汁泛丸。

王四^十歲。舌白不飢不渴。氣急痰多。食入惡心欲脹。腹鳴。大便不爽。此寒熱惡心。爲陽傷氣痺。

茯苓

半夏

桂枝

生薑

鮮薤白

炙草

蕭三^十歲。面色萎黃少采。脈來小濡微瀯。此皆壯盛積勞。向衰陽弱。病至食下咽。氣

迎阻。攔明明反胃格拒。安靜快活。可延年歲。氣迎阻攔必有痰延迎壅故大半夏湯爲的

大半夏湯

潘^{廿八}歲。咳嗽在先肺病。近日涼風外受。氣閉聲音不出。視舌邊絳赤有黃胎。寒已變爲熱。

越脾法加米仁、茯苓。

錢二十歲左搏倍。右陰火沸騰。由慾念萌動不遂而來。胃旺可清陰火。胃旺者胃陰充旺也

生地 天冬 元參 知母

生甘草 麥冬 川貝母

朱帶城橋廿三歲陽虛胃痛。用辛溫見效。街衢往來穢氣。內入傷陽。痛再作。先驅穢濁。開

生面此新穢觸動風病也

蘇合香丸

姚廿三歲精血損傷骨痿。庸醫都以辛苦藥酒。病不能去。反傳胃口。無治病捷徑。理

胃為先。

倉廩湯

徐三十歲勞形陽傷失血。

小建中湯去薑

王^四十歲暑風能蒸熱。不能解熱。卽是熱傷氣分。粗工以血藥之滋。未讀暑病諸集。

綠豆皮

燈草心

鮮骨皮

竹葉心

經霜桑葉

王^五十歲氣惱而起。肝木犯胃。胃氣逆翻嘔食。其涎沫卽津液蒸變。倣仲景胃虛則

客氣上逆。

旋覆代赭湯

劉^四十歲。疝瘕由客邪凝結經脈。用毒藥鋒銳走而不守。氣血通行乃解。

王。酒力濕熱下注。蒸血爲膿。瘍潰半年。氣血皆損。麻木不仁爲虛。當以兩補氣

血。勿以溫燥。老筆

天真丸

陳。診右關前弦動。述右脇胛下似脹不舒。思少陽陽木必犯陰土。木鬱土中。溫

開不應。議解鬱安中。立方 清真

人參

茯苓

柴胡

白芍

神麩

生薑

李部前三十六歲自說本來無病。飲藥酒反病。亂治遍嘗寒涼溫熱。致胃口大傷。近加喪

子。目眇胞垂。無治病方法。

疎肝散

孫廿六歲勞損未復。少年形瘦減食。

歸耆建中湯

顧盤門問飢時垢血通爽。飽時便出不爽。此太陰失運矣。首方理濕熱。繼用固腸

滑。皆不效。議辛甘運陽。

理中湯去參。加桂元肉。

譚仙人十八歲。凡勞必身心皆動。動必生熱。熱灼絡血上溢。肉瘦脈數。中年生陰日淺。可與甘寒潤劑。甘寒以生胃陰。人身陰液無不從胃中數布。先養胃陰。由中宮漸敷四臟。至理存焉。

生地

麥冬

扁豆

北沙參

甘蔗汁

白玉竹

王三六十歲。色蒼瘦。目黃脈弦。向來氣衝腕痛。今痛緩氣衝至咽。是左升肝氣太甚。右

降肺氣不及。大旨操持運機致病。

枇杷葉

黑山梔

川貝

蘇子

降香末

新會紅

炒桃仁

趙五十歲。下焦冰冷。舉丸偏大。

川烏頭

舶上茴香

川椒

胡蘆巴

川棟子肉

吳茱萸

熟川附子

黑豆汁泛丸。

陳心虛忡悸。君相多升。

生地

天冬

茯神

柏子仁

棗仁

炙甘草

沈新市三歲產後不復元。血去陰傷。骨熱。大凡實火可用清涼。虛熱宜以溫補藥。取

味甘氣溫。溫養氣血。令其復元。至當不但產傷之損。尊勞病根。全在肝腎。延及

奇經入脈。非縷雜治所宜。肝腎與奇派原屬一家然傷必由肝腎而及奇脈更深一層矣

人參

鮮河車

枸杞

紫石英

茯神

紫衣胡桃

歸身

淡肉蓯蓉

周嘉興四歲少腹痛堅。攻及當臍。每午後必痛。氣脹貫串。腰尻環跳肉腠之間。肌膚

亦漸浮腫。再問經事愆期。僅僅些微黃水。是陰寒已入血絡。病必起於產蓐。視診

清真切著
老筆紛披經後連累奇經入脈。身僵不直。俛不得仰。肝腎入奇脈之見症。入肝腎
一經又深
一層矣

炒枯腎悉湯

戈木瀆廿四歲經水不來。是絡脈無血。古云氣旺血自生。大忌通經。此純虛症也認得精

人參

茯苓

麋茸

歸身

桂心

羊肉膠丸

張萬年橋廿八歲半產重於大產。左脇有形。是氣乘肝絡。攻之則癭中滿。從前胎墜。寒熱

嘔逆。震動之傷。言言警策當培養氣血。不可怠忽。不致勞怯。每見陽氣震動虛人一

不可復收故當用補法

歸身

鱉血製柴胡

廣皮

南棗肉

白芍

茯苓

蒸於朮

炙甘草

封泰興三十七歲十年前夜飽。凝滯食閉。不是肝氣阻逆。是脾不健運。氣物遂胃。腕痛嘔吐。病中腹大

如懷妊。得氣下洩而脹消。經準不育。來必腹痛。久病焉有速效。祛寒凝開氣為

主。前因肝逆。繼為中虛。終致寒凝。病機歷歷。

吳 萸

秦 椒

川 楝 子

高 良 薑

延 胡

蓬 朮

香 附

山 查

薑汁泛丸。

陸虎邱廿一歲腎肝內損勞怯。必致奇經失職。俗醫混稱陰虛。僅以六味。曰補陰和陽。

益臟泄腑。比時仲陽非為陰損而設。重方力大。借資於人。者半謂竹破竹補。

河 車

坎 炁

紫衣胡桃霜

人 參

茯 苓

五 味 子

人 乳 粉

秋 石

沈齊門三十歲上春產蓐無乳。已見乏血虛象。拿定見延及年。半經水不來。此純虛。少腹

瘕氣有形。病人自述背脊常冷。心腹中熱。視面黃色奪。問食少不美。夫督脈爲陽脈之海。由腰而起。齊頸而還。下元無力。其脈自背至頸。陽虛生寒。任脈爲陰海。衝乏貯血氣。入脈絡爲瘕。考內經圖翼。病機宛然在目。此產損蓐勞。非是小恙。無如醫不讀書。見寒熱經閉而妄治。淹纏成損而已。藥方總切定下元無力主治

人參

小茴拌炒當歸 枸杞

鹿角霜

桂枝

沙苑

白薇

庚太平四十九歲左脇有形。漸次腹大。每投攻下泄奪。大便得瀉。脹必少減。繼而仍然不通。頻頻攻下。希圖暫緩。病中脹浮。下焦加針刺決水。水出腫消。病仍不去。病患六載。三年前已經斷。想此病之初。由肝氣不和。氣聚成瘕。頻加攻瀉。脾胃反傷。古云。臍突傷脾。今之所苦。二便欲出。痛如刀針刺割。蓋氣脹久下。再奪其血。血液枯。氣愈結。宣通宜以利竅潤劑。初由瘕病變弄成脹。先傷氣。繼傷血。血液既傷。而氣愈結。以致二便痛。發到此地步。非宜。

通利間更有何法此相時
度勢而占得好地步也

琥 珀一錢

大黑豆皮五錢

麝 香一分

杜牛膝一兩

二便通後。接服

芫蔚子

郁李仁

杜牛膝

當 歸

冬葵子

邱鍾由吉巷

四十七歲病人述自腰以下頽然痿躄。肌肉麻木枯寂。二便皆不爽。上下氣不

接續。顯然崩漏亡血。陽不下交於陰。凡自覺呼吸上下氣不接。總自是陽虛不交於陰。中年日就衰奪。

惟辛補潤燥。冀絡氣順利。乃久病之緩調。久病之緩劑精極。

松子仁

柏子仁

郁李仁

冬葵子

枸杞子

肉蓯蓉

桑寄生

黑芝蔴

施劉真巷經漏臍下如卵形。已見血損氣結。衝脈為病。女子瘦聚帶下。少腹形象是

也。血傷忌投氣燥。溫熱血藥。不取沈滯。血中宣氣爲主。既忌燥熱復礙沈滯血中宣氣治癥初起良法

南查肉

芫蔚子

新絳

青蔥管

生香附

徐太倉十每交五六月。治此症專着眼喉間宿病。蛾發既愈。仍有鼻塞火升。上熱

下冷。經水或前或後。形瘦脈小數。是陰弱不旺。肝陽左升太速。右降不及。夏季

陰伏於裏。陽泄上浮。致病發因由。

阿膠

石決明

丹皮

生地

天冬

黑豆皮

銀花

白芍

丹參

陳伯四室女無溫熱藥之例。視色奪脈弱。下焦未寒先冷。經事淋漓。是衝任虛

冷二氣不交。冬宜藏陽。用溫攝升陽。溫以攝下陽自漸升有

麋茸

鹿角霜

紫石英

人參

歸身

枸杞

沙苑

小茴

蛇床子

沈槐樹巷廿二歲自交秋初。皆令陰陽巔脹失血。三月懷妊。法當養陰固胎。

人參

黑殼建蓮

子芩

阿膠

生白芍

桑寄生

氣有升無降。故得洩瀉反爽。背椎必槌摩而脹減。蓋臟陰之熱。鼓動經腑中氣。皆逆行上巔。春間經漏。議進滋清補方。亦從權隨時令也。暑伏已過。肅降未至。以順天之氣。應乎人身推求。

川黃連

廣藿香

生麥芽

茯苓皮

蓬朮汁

胡黃連

澤瀉

南查

丹皮

居腎門六十歲

女人多產。奇經入脈諸絡患病。五液走洩。殆盡而枯。年已六十。反患淋

漏帶下。大便日見枯澀。少腹形膨脹。血液難生。氣散不收。日服炒枯腎氣湯

一劑。

多產體氣已虛至衰年下焦關闈已撤日餌溫補苟延殘喘而已

老年精氣神衰。即日餌參苓大藥。不過僅僅支撐一日。蓋真氣真精已衰。大補亦不甚浹洽耳。

徐北馬頭八歲

非但經水不來。食下腕中二字不即痛。是肝膽氣熱逆乘。致胃氣亦逆。

問大便漸澹。木侮土位。且形瘦內熱。凡理氣多屬辛燥。明理欲治病。先理體質之宜忌。

白芍

炙甘草

新會皮

生穀芽

炒焦丹皮

炒桃仁

茯苓

查肉

生香附

蓬 朮

邵楓橋廿八歲每懷妊百日內卽產。已歷十餘次矣。今春溲溺如淋。入夏若崩。若溺半月。半月後經水又來。上午少瘥。臨晚夜深。頻頻至圍。溲溺滴瀝痠痛。夫胎瀕二月。三月。足厥陰肝病。且胎形漸重。任脈不固。下墜血傷液枯。陰氣不收。此溺淋是肝腎陰虛。認情病根庸醫清火分利。更奪真陰。半年纏綿。致難以速功。養陰方中忌投酸味。令人癢閉。

細生地

黑豆皮

生雞子黃

清阿膠

人中黃

川石斛

李惟直三歲凡女科有胎氣。以立基爲要。惡阻嘔吐酸味。是熱化安胃調氣。

人參

竹 茹

茯 苓

半 夏

金 斛

生 薑

鈕吉安州三

女科肝病最多。產後必病及八脈。卽如少腹聚瘕。瘕氣攻心下必嘔

吐逆上則咽喉閉塞。經水年半不來。越日必有寒熱。凡下焦血病爲多。瘕屬氣結。瘕爲血痺。病在衝脈。陰維陽維脈中混雜。醫藥焉得入奇經。

地鱉蟲一兩

延胡一兩

山查一兩

桃仁五錢

蓬朮五錢

金鈴子五錢

麝香三錢

共爲末。用青鱉甲五六兩。去衣搗碎。用無灰酒煮汁一杯。和前藥末爲丸。每服二錢。益母草湯送下。

要知瘕不可攻。瘕乃可攻耳。瘕屬氣結。亦由少血。故氣聚而結。至於瘕爲血痺。非攻不散。總是下焦血病爲多耳。

鈕蕩口廿

六年前產兒。自乳年餘。乳汁涸。病起延綿。至今食少如饑。仍不加飡。經

水不調。色黑微痛。蓋病根全在乳盡。亡血形瘦。火升失血。勞怯陰傷。自乳全賴

善飯生血
復脈養陰

人參

阿膠

白芍

細生地

炙甘草

桂枝

廣四十歲十瘦結陰絡。絡病善脹。自古及今。無硝黃攻傷其陰之理。腹脹忌鹹。謂水寒

逆犯脾陽。此脹誤在頻頻攻蕩。陰亡液損。二便不通。內經謂食酸令人癢閉。醫

藥言食酸忌鹹。乃目不知書。

桑葉

柏子仁

松子仁

黑芝蔴

青菓汁丸。

處方以陰亡液損着筆。此症是不忌鹹而忌酸者。

吳楓橋廿五歲藥氣味雜亂惡劣。胃口久受其苦傷。致食即嘔吐。非反胃也。窮其起病

根由。原係心境愁腸。氣熱內蘊。血液日乾。若此年歲。久不孕育。多以見病治病。

未着未適。調經理偏之旨。今入冬小雪。從液虧不主戀陽。預診春木萌動。轉焉發病之機。凡心神諧暢則血自充旺。以心生血主血也。憂愁思慮則心營不舒。易事清而狹藥味純粹以精。

阿膠

人參

生地

杜仲

茯苓

天冬

杞子

桂元肉

桑寄生

大麻仁

另用烏骨雞一具。去毛血頭翅足。肚雜漂潔。用淡水加無灰酒一碗。米醋一杯。許煮爛。瀝去肉骨。取汁搗丸。

巽為風。雞屬巽卦而應風。本肝家禽也。烏骨則更入腎矣。乙癸同源之味。兼以全具。元氣充滿。從肝腎源頭。鼓動生陽。氣味俱全。則補益力量更大而神矣。况血肉靜中有動。生機躍然者乎。

朱六歲入折十女子十四而天癸至。以稟質爲陰。二七少陽生動。陰體以陽爲用也。父母有病而生。屬乎先天。卽良醫妙藥。弗能療疾。先天稟薄。藥用清補。如苗禾秀而不實。樹菓將成自墜耳。庸人不識其故。徒以清熱治嗽。坐困胃口。而致凶者屢屢。

生白藕

桑寄生

清阿膠

天冬

雲茯苓

甘州枸杞子

桂元肉

大元生地

先天稟薄。生化之機不旺。卽用補劑。亦當量力清養。力量淺薄。濁膩艱於運化。長善派曹廿二歲產後寒入胞門。經水逾期不爽。少腹瘕形漸大。面色清眇肉瘦。自上秋產蓐瘕起。今夏診二次。議以瘕屬氣結。用大千方葱白丸。暨烏骨雞煎丸。溫通衝任脈。令氣血自和。兩方不效。是下元虛冷。再攻必變脹矣。

人參

雲茯苓

交桂心

生蘄艾

當歸身

鹿角玄霜

小茴香

生香附

因在少壯。用藥逐層走進。便有次第。不致動輒蠻補。

袁四

十歲平日鬱氣化火。久則深藏入陰。三時溫暑濕熱。異氣有觸。伏熱內應而動。

是氣滯爲脹。濕鬱爲瀉。熱移於下。濕腐侵肌。倍一氣貫注見精神凡濕與熱。皆氣分病。既

久蔓延。延及血分。自深秋經踰旬日。越兩月不來而消渴。形寒足脛跗骨中熱。灼燥癢。大凡風熱淫於內。必以甘寒。乃和梨汁、蔗漿之屬。蓋胃陰制伏肝陽內風之動。正合內經和陽益陰。肝胃忌剛之旨。

日間服桑麻丸。用青菓汁丸。夜服梨汁、蔗漿熬膏。

五行木氣尅土。蓋木得水土滋養。土膏盡爲之吸取。實是土中升發木氣。長養栽培。使之暢茂條達。即是木尅土也。胃中津液充裕。肝木從茲吸取。滋和暢遂。即是斯義。

胃中陰液充旺。足供肝木滋養。而肝風不動。蓋土中升木。乃是木尅土也。

汪巖入視色究脈。損在奇經。諸脈晨起癢泄。交晡夜溺淋痛楚。任督為陰陽二海。脂液枯竭。由陰損損及乎陽。引導令其漸交。非時下可以速功。

人參

鹿茸

舶茴香

龜版心

生菟絲子粉

歸身

用生羊腎十二枚。去脂蒸爛搗丸。另煎漂淡鮑魚湯送三錢。即是導引法

藥之氣味。都用與奇經氣味相類之品以治。引導奇經之妙。所謂異類有情。竹

破竹補之法也。病在任督絕不用地黃杞子山萸通套補藥取血肉而遺草木真認定奇經任督而導引也

周情志易生嗔怒。肝膽木火上攻。胃腕心悸忽嘈。手撫動躍。夫動皆陽化。陽皆

四個字啓人聰慧不少沉香肉桂辛熱。肝有摧扞惡燥之累。非入理也。藥真清真

柏子仁

歸鬚

桃仁

大麻仁

南查肉

周一四歲兩三月經水不來。少腹痛脹下墜。寒疝屬虛。當與金匱當歸羊肉生薑湯。
疝爲陰寒。侵入肝絡。其原起於絡血衰少。若用剛猛熱藥。勢必辛燥。肝爲剛藏。
益其震烈。大非所宜。惟羊肉柔溫。味厚歸陰。氣燥入肝。以血補血。使肝絡溫和。
再以生薑散寒。當歸通絡自愈。

張劉真巷三十七歲

上年五個月已小產二次。再加冬季伏侍病人。勞乏產虛在陰。勞傷
在陽。欬嗽吐粘濁沫。咳逆上氣必嘔食。凡食入胃傳腸。此欬是下虛不納。氣衝
湧水上泛。奈何庸醫都以消痰清肺寒涼。不明傷損陰中之陽。必致胃倒敗壞。

桂苓甘味湯

下虛不納之人。每陰氣上逆。陰液氾濫。吐粘涎濁沫。皆是陰邪上逆所化。
顧松江三十三歲形似壯而肌肉鬆爽。脈小促。按之無力。問壯年未有生育。明明腎虛。真
氣不攝。血隨氣升而溢。龍火熏蒸爲咳。先議用

茯苓	熟地	黃肉	山藥	丹皮
澤瀉				
牛膝				
五味				

腎中真氣充旺。不但氣不升而血寧靜。并能收攝精氣而結胎矣。

范^{廿五}驚恐悲哀。傷於情懷。內因絡病。當以血藥宣潤。不必苦辛氣燥。

炒桃子	黑芝蔴	歸鬚	柏子仁
-----	-----	----	-----

蘇子	冬桑葉
----	-----

周^東一^歲此情懷多嗔。鬱熱自內生。經來愆期。心嘈辣。腹中痛。乾咳忽噎。皆肝胃

氣熱上衝。久則失血經阻。最宜預慮。治肝須得清涼

小黒魯豆皮	細生地	清阿膠	生白芍
-------	-----	-----	-----

雲茯苓	漂淡天門冬
-----	-------

巴^西十^四歲^糖三^三十年前產育。即經候不和。帶下腰椎痠垂。少腹刺痛。損傷奇脈。已非

一所。凡先傷於陰。例取溫柔。佐以涼肝。合乎通補。謂經水必循日月耳。補必兼
通天癸

無愈期
之慮

女人月事應期。雖曰血液走漏傷陰。然肝陽亦從茲下洩。水氣疏達。自無逆冲之患。况體陰抱陽。有天癸以流行。陰陽尚無偏勝。足徵二氣交充。故女人月事時下。縱有他病。尚可圖治耳。

丁廿五歲。蓐勞自春入秋。肌肉消。色萎黃。外加微寒。心腹最熱。臟陰損不肯復。氣攻絡中。腹有瘕形。血空氣聚。非有物積聚也。

人參

煨木香

茯苓

生菟絲子粉

炒小茴

炒當歸

此病先用辛溫入絡散瘕。繼以滋養陰血爲周備。血空氣聚四個字。形容瘕病之所以然。深入顯出之筆。

邱鍾由吉巷入歲凡交三月胎殞。是足厥陰肝陰內怯。熱入於陰。衝脈胎形漸長。任脈

不司擔任而墜。見症脊椎尻垂腰痠痿弱。腎肝奇經虛不攝固。議孫真人方。

桑寄生

清阿膠

生白芍

細生地

蘄艾炭

條黃芩

砂仁末

當歸身

尤仙廟前四十三歲漏經四十餘日。色瘀腐成塊。病中動怒。遂胸膈脹悶且痛。少腹脹滿。

瘀下稍寬。醫治漏血。投地芍歸膠。下焦未沾其益。腕膈先受其滯。宗經議先理

其上。閱宗經議三字總見鄭重分明之意

生香附汁

南查

蘇梗

生麥芽

桃仁

延胡

徐五十歲少壯從不生育。衝任脈中久虛。六七年少腹有形。日漸堅大。口食寒涼泄

瀉。是下焦陽衰冷。濁氣聚成瘕。庸醫希圖寬脹。久服平肝破氣。氣愈損。堅脹愈

加。

炒枯腎炁湯

袁同里經年累月宿恙。全是鬱勃。內因五志中之陽。

馬常熟三十二歲寡居無歡悅之意。肝膽中鬱勃氣火。直上直下。莫能制伏。失其所泄之

用。小溲成淋。謂肝脈環遶陰竅。用龍膽瀉肝湯。直捷痛快。但不留餘地耳。

唐常熟廿七歲瘰母瘰聚有形。治必宣通氣血。所述病狀。已是產虛。入脈受損。不敢攻

瘰。

當歸生薑羊肉湯

朱吳江十六歲天癸從未至。肉瘦色悴。嗆嗽着枕更甚。暮夜內外皆熱。天明汗出熱減。

痰中或稠或稀。咽中總不爽利。此先天所稟最薄。便是主見既長真陰不旺。陰虛生

內熱。怡悅勿攻針朮。必要經來可得熱除。即世俗所謂乾血勞怯。

復脈湯去麻仁

恐其滑腸而陰藥不得停留滋補也。老手勝人處在此。

王無錫衝脈為病。男子成疝。女子帶下瘦聚。經水仍來。是氣攻入絡脈為有形矣。況產後又十六年不育。衝任病顯然。

小茴香

川棟子

橘核

桂枝

茯苓

南查

凡食入腕中即痛。必是肝火上逆阻滯。若食入胃中而痛。則積滯為患居多。
方長溪三絡脈少血。氣聚形象。升降而動。起居如驚。腎主恐下元虛乏顯然跗踵乏力登高。
久已未育。乃下焦肝腎虛損。累及入脈。可謂峻補

紫石英

巴戟肉

歸身

鹿角膠

白石英

淡菴蓉

枸杞子

杜仲

羊肉腎丸

葉 自五月間生產。將交白露。日瀉五六次。每瀉必先痛。形寒戰慄。氣衝入腕。欲嘔。脈來右濡。下墜入尺。以冷濕挾陰濁。致阻遏陽氣流行。脈症如此。虛寒顯然。法當辛溫宣通陽痺。

炒黑川椒

煨廣木香

天台烏藥

川棟子

生益智仁

生香附

氣厚味薄。專主溫通。更妙川棟一味。陽中有陰。

沈

桐經橋四十五歲

經漏已三年。淋漓帶下黃白。視色脈不受溫煖。固下湯散力量難以

直達衝任。古局方中有震靈丹。每早服六十粒。是固奇脈藥。可使其緩。欲求全愈。非大劑人參不可。

包

十八歲

經阻三月。咳嗽失血。交夜蒸蒸身熱。脈來左搏而促。是陽氣煩蒸。致逆諸

絡。血液不得彙集衝脈。秋深經水不來。必加寒熱瘦削。稱乾血勞矣。老筆確鑿

生鱉甲

全當歸

生白芍

粉丹皮

原生地

羌蔚子

南查肉

生麥芽

仰歲三十產後自乳。三年肉消。夜熱咳嗽。勞皆產傷真陰。陰虛生熱。絡中無血氣入絡。變化有形。爲氣聚之痕。醫攻痕則謬。理嗽亦非。以下損之傷在肝腎。奇經之虛。肺藥寒涼。望其止嗽。嗽必不效。胃傷經阻則凶。

炙甘草湯

馮十四室女經初至。必是畏熱。因熱受涼。致衝任傷。遂經漏不已。血色凝紫。腹中仍痛。是從前經至失調所致。和血脈之中。必佐陰中之陽。勿膩滯者。問痛得按。姑緩屬虛。

當歸身

炒小茴香

甘枸杞

真沙苑

人參

鹿角霜

交桂心

紫石英

問及得按姑緩。用藥溫而不膩。何等細密。

陳^{廿九}產後二年。經水不轉。嘔涎沫不飢。喜酸味。肝陰久虛。傷損在下焦。陽氣逆乘。頭顛暈痛。惟暈而痛乃知議用酸甘。化陰和陽。

原生地

白芍

烏梅肉

大麻仁

炙甘草

炒焦枸杞

漂淡天門冬

凡清陽主上升。濁陽主下伏。所謂逆乘。乃下焦濁陽耳。

蔡^{四十}上年產後致損。所見皆由肝腎陰虛。忌與燥熱。見崩漏虛熱。飢腫寒熱。不必縷縷。

清阿膠

雲茯神

細生地

生白芍

粗桂枝木

炙甘草

方五涇廟前死胎至旬日乃下。必有尸穢濁氣。留着衝任脈中。至今黃白淋帶。病人說腰已下冰冷。大便久溏。產後剛藥難用。用朱南陽方法。

殺鼠糞湯

以穢治穢。與前阿魏丸治痧脹。同一巧思。

俞申衛前五十歲任督失擔任督攝之司。脂液暗消不禁。入味丸可以常服。再議固奇脈

方法以佐之。

鹿茸

補骨脂

人參

生菟絲

覆盆子

鎖陽

顧廿二產後形肉日瘦。經水逾期。此屬內損。問經來無痛。與方書氣滯經遲迥異。

養肝調衝任可矣。經來無痛而逾期乃內虛少續耳

烏骨雄雞

原生地

枸杞子

白芍

桂元肉

當歸身

紫丹參

柏子仁

雲茯苓

朱徐家湖頭三十五歲操家勞煩。過動內起之熱。皆情懷中來。熱灼血傷。經水愆期。食少乾噲。難用通經峻剋。居家安閒。不致驟成勞損。

資生丸

閔既產已過十年不生育。經將至。周身脈絡牽掣。腹中不和。若用力勞瘁。即起寒熱。乃經後勞乏。奇經益損。當安逸一年。絡血寧。八脈自甦。愚人遍嘗藥湯。不知養病大旨。損不能復。勞怯莫救。

鹿角霜

枸杞子

小茴香

當歸

沙苑蒺藜

南查肉

茯苓

香附

邱鍾由吉巷四十七歲十年前小產血崩。損傷未復。家政操持。形神俱不獲安養。上年夏秋

漏帶。久矣淋漓。不但肝腎脂液先竭。奇經與諸絡無血存蓄。說得透徹。風雅宜人。氣衝犯上。氣攻聚絡。爲胃脘刺痛。脇肋高突。更推下焦寒冷。腰圍如帶拘縛。兩足麻木。踐地痿奕。二便塞窒不爽。五液枯槁。至陽不交於陰。有關性命大症。病人說一年嘗藥。從未見效。更有醫見痛用沉香者。凡血枯液涸。香燥大忌。薑桂燥烈。亦非亡血所宜。姑以血肉參入人參。若春和溫煦。草木藉以資生。血有形難生。益氣無形。以充有形耳。

人參

當歸身小苗拌炒揀去

羊內腎

肉蓯蓉

枸杞子

真沙苑

黑芝蔴

益血中之氣。自然雲霧致白露也。

錢廿四歲

上秋產蓐。自乳傷血。夏熱洩氣。一陰不復。入秋咳嗽震動失血。飲食不少。

經年不致凶。既已斷乳。必在冬前經轉可卜。春深不致反覆。

茯神

炒白芍

鈎藤

炒查

炒麥芽

焦丹皮

新會皮

伍葑門廿

上年秋冬經漏帶淋。初用震靈丹。繼進參茸。升陽佐溫攝而安。方藥自

夏五月咳嗽。已至秋分。咳甚必嘔。腰脊如墜。問經閉已兩月。顯然下虛衝氣。天

明欲便。乃瘕洩之漸。

附都烝丸 三錢

陸葑門廿未嫁有喉痺。上熱下寒。由情志鬱勃之熱上灼。有升不降者。情志無怡

悅之念。遣嫁宜速。醫藥無用。王道本乎人情絕妙開鬱散結方

川貝

夏枯草

連翹心

鈎藤

江西神麩

茯苓

張九十歲半產是下焦先虛。血少內風鼓動眩暈。腰椎不和。胃弱惡心。勿以溫燥。暈

總是在內
風鼓動

茯神

阿膠

川斛

天冬

生地

女貞子

枸杞子

菊花炭

杜

少腹氣衝胃脘。每痛嘔惡。吐粘涎。三年頻發。少腹已結瘕形。月事遲。肝胃病

始傷及衝脈。病是嗔忿而得。治法不越調經。俾氣血流行。不致逆攻犯絡。內經
論痛。皆曰絡病。醫藥不入絡脈。乃無效矣。

南查肉

小茴香

延胡索 醋炒

蓬莪朮

川椒

金鈴子

生香附

雲茯苓

青蔥管

趙揚安派十九歲驚恐起病。遇怒而發肝厥。乃陽氣暴升。痰隨氣火上舉。神識乃迷。近加

小產後。必須養肝陰。佐入涼肝。

原生地

茯神

清阿膠

天冬

柏子仁

白芍

人中白

紫丹參

治肝必佐以清涼。故卽溫腎藥內。必佐涼滋一二味。所以養胃液而清肝陽也。惟陰陽並衰。生氣索然者。始專主溫熱耳。

王脈虛數條。寒熱口渴思飲。營衛失和。陽明津損。初因必挾溫邪。不受薑桂辛溫。有年衰體。宜保胃口。攻伐非養老湯液也。

沙參

花粉

玉竹

甘草

桑葉

甜杏仁

元米

陳腕中宿病。痛發嘔吐黑水。五六日方止。診脈左大而弦。肝木犯胃。濁氣厥逆。大便數日不通。久病必在血絡。久鬱必從熱化。用苦辛洩降。少佐通瘀。

川連

金鈴子

山梔

元胡

半夏

橘紅

桃仁

陸 春陽萌動。氣火暗襲經絡。痛在板胸。左右脇肋。皆血絡空曠。氣攻如痞脹之

形。其實無物。熱起左小指無名指間。手厥陰脈直到勞宮矣。勞宮穴在手掌養血難進

滋膩。破氣熱燥非宜。議以辛甘潤劑濡之。

柏子仁

桃仁

桂圓

茯神

山梔

橘紅

顧 左耳竅汨汨有聲。左脇衝脈冲起欲脹。肝臟血絡大虛。氣偏乘絡。絡空為脹。

當年痛發。用歸脾最安。但耆朮呆守中上。似與氣升膜脹相左。有年奇脈已空。

以宣通補液。使奇脈流行。虛脹可緩。

杞子

歸身

柏子仁

桃仁

桂圓

鹿角霜

小茴香

香附

茯苓

吳 肝血久空。陽明胃脈亦虛。肌肉膚脹。氣聚熱流著。自覺熱熾。不可作實熱治。通經脈之壅。仍佐和血熄風。使內風稍寧。望其稍逸。

杞子

白蒺藜

虎骨

牛膝

天冬

生地

歸身

柏子仁

周 情懷動則生熱。是五志氣火上灼。心營肺衛齟痛。鼻淵咽中似窄。只宜甘藥濡養。莫見熱而投寒。

人參

麥冬

川貝

柏子仁

茯苓

甘草

朱 大隊陰藥。佐以人參。誠爲陰分益氣之法。服之熱癰累累而起。惡露緩緩而下。扶正却邪。並行不悖。今穀食已安。諒無反覆。然難成易虧之陰。須安養可望。

圖成。倘加情志感觸。輕則奇經淋帶。重則髓枯內損。

蘇 老年陽氣日微。濁陰自下上干。由少腹痛脹及於胃脘。漸妨飲食。痞散成鼓矣。法當適陽以驅濁陰。倘昧此旨。徒以豆蔻沉香破洩。耗其真氣。斯脹滿立至。

熟附子

生乾薑

水煎濾茶盞內七分。調入生豬膽汁一枚。以極苦爲度。

王 胃弱不食。脾虛便溏。由臟氣單薄。府陽遂失流行。結痂之際。當進清涼宣解。乃論其常也。凡重症得自愈者。正氣收納。邪熱外洩。一定之理。今乃體虛邪未盡解之症。猶非純補純攻。

人參

焦朮

茯苓

白芍

川連

查肉

廣皮

澤瀉

米仁

陳四歲遇煩勞必腕中氣窒噎痛。望五年歲。不宜有此。

桂枝括萹薤白湯

呂北濠廿八歲暑邪先受。飲瓜汁水寒。胃口再爲冷濕凝着。此瘧是脾胃病。舌白背寒。

從裏症治。表裏辨別明確都用裏藥

杏仁

葶 撥

廣 皮

厚 朴

草 果

白 蔻 仁

桔 梗

枳 殼

葉天士晚年方案真本終

葉天士晚年方案真本 卷下

跋

葉氏臨證指南一書。風行海內。操軒岐術者。恆家置一編。說者謂中多贗鼎。命意立方。間有可議。實非當時之定本也。曩從貝師游。有葉先生手寫方數頁。治法入神妙。字跡亦倉勁及古。聞先生家。別有存本相承。洎六世不以示人。乃真洄溪所評定者。咸豐初。粵逆擾吳下。其家中落。貨大書簾於市。故紙充塞。檢之則是書在焉。振家以厚幣易歸。如獲波斯鴻寶。隻身竄海上。抱書以行。人或譏誚之。不顧也。今忽忽垂三十年。振家亦老矣。脫終失墜。豈非先生之罪人歟。先生元孫訥人。曾刻醫案存真。而此書未盡刊入。藏爲家祕。爰屬及門諸子。詳加校訂。以公斯世。先生之真傳不泯。亦振家之幸。振家嘗卽先生之書而討論之。偶有所得。拊贅於上。聊以醒讀者之目。先生達於醫。著述不多見。晚年求醫者。戶限欲穿。鮮著書暇。其

溫熱論數則。赴證洞庭山與門人成於舟中者。餘無所傳。

光緒十四年戊子仲冬

吳縣後學張振家跋

